

文忠公墓铭

噫!公之节，其刚烈烈，弼违斥奸，义不可折。噫!
公之文，天资不群，光辉古今，左右典坟，直道而行。
屡以谗，卒寤而知，惟帝之哲，升赞机务。方隅以平，
参议宰政，社稷是经，成此王功。大忠以效，德高毁及，
退不吾较。公之来归，既安且怡，宜报以寿，戾也胡为。
公文在人，公迹在史，兹惟不穷，亘千万祀。

淮南节度观察处置等使开府仪同三司守

司徒检校太师

兼侍中判相州军州事上柱国魏国公赐紫

金鱼袋韩琦撰